

կապեալներին, որոնց մեծ բազմութեամբ բերին Քաջարվան:

Հարաշին այստեղ ստացաւ Հիշամի թուղթր, որով նա հրամայում էր նորան իւր մօտ գալ, նշանակելով իւր եղբայր Մասլամայ ի. Արզուլմալիքին Հաւաստանի եւ Ատրպատականի վերայ: Գալով (իւր պաշտօնատեղը) Մասլամայ արշաւեց սաստիկ ձմեռային ժամանակ թուրքերի դէմ եւ անցաւ Քաբիյ, նոցա հետամուտ լինելով:

114 թ. Հիշամ ի. Արզուլմալիք դրեց Մրբվան ի. Մուհամեդ ի. Մրբվանին, իւր հօրեղբորորդուն, Միջագետքի Ատրպատականի եւ Հայաստանի վերայ կառավարիչ<sup>1</sup>: Վերջինս գտանում էր Մասլամայի զօրքի հետ Հայաստանում: Մրբվան մտաւ խաղարաց երկիրը, ասպատակեց եւ աւերեց, աւարի առաւ եւ գերեց, հասնելով մինչեւ երկրի սահմանները, ուր նա մնաց առ ժամանակ մի, մինչեւ թշնամուն նուաճեց եւ պատժեց նորան: Ապա մտաւ Սարիր թագաւորի երկիրը, որի բնակիչների հետ նա պատերազմեցաւ եւ առաւ նորա բերդերը. թագաւորը նորան հպատակեցաւ եւ խաղաղութիւն կապեց՝ նորան 1000 սորուկ, 500 այր եւ 500 կին սեւ մազերով (տալու), եւս 100.000 մոգ<sup>2</sup> Քար (քաղաքը) մատակարարելու պայմանով: Մրբվան հաշտութիւն հաստատեց Տումանի բնակչաց հետ՝ 100 գլուխ կիսակէս<sup>3</sup>, եւս 20.000 մոգ տալու պայմանով: Նմանապէս Չերիկիրանի իշխանը, որի երկիրը նա մտաւ, հաշտութիւն կապեց նորա հետ: Գալով Համզին, որի բնակիչք նորան գիմաղրեցին, նա պաշարեց եւ առաւ նոցա ամրոցները:

<sup>1</sup> Տարարին (տե՛ս վերեւ) յիշատակում է այս դէպքը 115 թ.:

<sup>2</sup> Աւելացնելու է՝ գարի եւ ցորեն:

<sup>3</sup> Իմա՛ 50 այր եւ 50 կին: